



Opuscula



Opuscula



62  
**DUX MAGNUS**

**Militantis Ecclesiæ,**

*In Ordine Minorum*

**EMINENTISSIMUS CARDINALIS,**

**D. BONAVENTURA**

**Seraphicus Ecclesiæ DOCTOR;**

*Sacris Honori suo Idibus*

*in Basilica Ordinis Minorum Conventualium*

*ab Oratorijs Exedris*

**P R O M U L G A T U S.**

**CELSISSIMO DOMINO**

**D. A N T O N I O**

**BENEDICTO CONSTANTINO**

*Sacri Romani Imperij PRINCIP I,*

*COMITI in Wisnicz & Jaroslaw*

**LUBOMIRSKI,**

**PALATINIDÆ Cracoviensi,**

*Casimiriensi, &c. &c. CAPITANEO*

**A U T H O R A T U S.**

*Per P. Brunonem à S. Francisco Scholarum Piarum.*

*Die 14. Iulij Anno Domini exercituum 1727.*



*VARSAVIÆ Typis S. R. M. Scholarum Piarum.*



IN  
SRZENIAVAM  
CELSISSIMUM.




I.

Vndiq; Laurigero cinctus *Srzeniava* vireto ,  
Hunc ad se *Magnum* provocat ultrò *Ducem*.  
Sed quid aget Sacro consistens littore *Divus* ?  
Vinciet in frontem plurima *Serta* Tuam.

II.

Conijce, quid de Te speret *Respublica* ? cùm jam  
Conveniunt Ipsi sub *Tua* Signa *Duces*.





# CELSISSIME PRINCEPS.

**Q**uem Boni publici Mini-  
mûs Regni Senator, di-  
Principem adorat <sup>admirati</sup> Polonæ  
Juventutis, Illi se DVX  
MAGNVS MILITANTIS  
ECCLESIAE ad manum offert.  
Et



Et nisi cum Ducibus res Tibi erit:  
qui aliâ SANGVIS Heroum  
CELSISSIME non fluis volu-  
ptate; quàm, quæ à lituis, ab armis,  
manat. Ita se generosa Tua Indo-  
les, ad egregia facta comit, ceu Re-  
gij Sponsa foret Honoris. Trabe-  
atæ LVBOMIRSCIORVM Stirpis,  
Flos pulcherrimus es, & Paternæ  
Gemma Mitræ. Ornare poteris, vel  
ipsas Imperiales Coronas.

Multorum gloria Seculorum, quam  
Proavi, Tritavique Tui vixerunt LV-  
BOMIRSCII, ita se tenera Tua repli-  
cat in ætate, sicut se replicat Sol inter  
parælia. PARENTIS CELSISSI-  
IS PALATI.

I.  
iâ: Laurigero cinctus & exemplata  
Imago es; cui congenitum præter splen-  
dorem, radios appingit ille zelus,  
quo toties exarsit, toties fatales in-  
ter Cineres, volutatus hostis.

Si



*Si Æcumenicus Europæ Honor,*  
*Occidentalium Magnos Duces Re-*  
*gnorum, Purpureum citaret in Con-*  
*cilium: credo facile, quòd illo Au-*  
*gusto in Exercitu, Primatem Hero-*  
*um ageret* **CELSISSIMUS PA-**  
**RENS TUUS;** *adeò Meritis!*  
*adeò fortitudine! adeò pietate! Ex-*  
*cellens.*

*Cresce* **CELSISSIME,** *donec*  
*ad gloriam* **PARENTIS PA-**  
**LATINI** *pertingas;* **DOCTOR**  
*Seraphicus* **DIVVS BONAVENTURA,** *Doctissimæ Indoli Tuæ, &*  
*ad omnia bona natæ, inspiret illos*  
*sensus: quos olim Publicus Lega-*  
*tus, Publicus Boni publici Mini-*  
*ster, Magnus Regni Senator, di-*  
*sertissimè depromes; cum admirati-*  
*one & emolumento Orbis Patrij,*  
*cum* **CELSISSIMÆ** *ornamen-*  
*to* **FAMILIÆ,** *cum ingenti*  
*Scho-*




Scholarum Piarum Solatio; qua-  
rum ut hodie Alumnus Numen es,  
ita crescis Protector: ex voto No-  
strum omnium, & præcipue

CELSITUDINI  
TUÆ


*devinctissimi*

Brunonis à Sancto Francisco  
Scholarum Piarum.





# ORATIO



Primo Orbis Christiani Capite, ordior hodie laudum Turarum principia DOCTOR DIVINISSIME. Sublimior Mens BONAVENTURÆ, Supremum hoc Caput sibi vendicat, ut non humiles sensus de Illo concipiat. Optimè accendo Ei honoris meridiem ab hodierno Sole, Terram Sanctam (*Ecclesiam intelligo*) illustrante. Non potest habere solidius gloriæ suæ fundamentum, quàm ex Vaticana Petra, ex Lapide Angulari Ecclesiæ. Ita est: Aurum Sapientiæ Ejus, tantum in hoc Lydio probè valet æstimari. Sola Romana Cathedra, declamat unicè Doctorem Seraphicum. Eminentissimus Honor Illius, nonnisi ex elevatis Quirini Collibus bene apparet, ex æquo attingitur. Huic Fonti Scientiarum, ipse solum Tyberis in immensum laudis exundat Oceanum. Convenit, ut Virorum Ada-

A

mas

Sūmus Pontifex Benedictus XIII. Caput Ecclesiæ, & Elogij D. Bonaventuræ.



mas, Doctorum Gemma, Piscatoris inserta  
Annulo, toti mundo inclarescat. Ter lau-  
reatum Caput, triumphet in Triregno. Re-  
ferent Petri Claves Arcanum omnis scien-  
tiæ, Regiam probitatis, heroicæ Virtutis Pro-  
pugnaculum. Ingeniorum Aquila, in Divini-  
ori Iove evolet famâ immortalis. Devehat  
Navis Apostolica largas ingenij sui opes, pro  
appretiatione fidei non parcè erogatas, ad  
publicæ æstimationis portum. Meretur laudē  
probus Filius in Patre Sanctissimo, Cardinalis  
in Pontifice. Ades itaq; Pontificum Maxi-  
me BENEDICTE XIII. optimum Argu-  
mentum bonæ dictionis futuræ de *Bonaventu-  
ra*. Ades cum mille titulis in singulare enco-  
mium Doctori Seraphico victimandis. *Vin-  
centius MARIA* olim dictus, palmarem ti-  
tulum, triumphale Nomen porrigit. Sidus  
Dominicanæ Familiæ, Solem Eruditorum de-  
clarat, prænuntiante vel ipsa Aurorâ in fron-  
te *Gusmani* exorta. Ipsa Gentilitia *VRSI-  
NORUM* Arma, mutuo conspirant fædere in  
triumphum *Bonaventuræ*, trophæa erigunt,  
palmas, adoreas cædunt. Evolvit Purpu-  
ram Regina florum Patritia *Rosa*, quâ Prin-  
cipem adornet in Regno literarum. Nun-  
quam vocalius in orbe audies *Bonaventura*,  
quàm sub hac *Rosa* prolatus. Nam loqui  
non tacere, imo adhuc dicere bene de Tuo  
Nomine jubet *Rosa BENEDICTI*. Florem  
pro-

Ancea sic di-  
ctus.

Religiosus S.  
Dominici.

Ex Familia  
*Vrsinorum*.

Stēma: *Rosa*  
& tres Fluvij.



proinde Ingeniorum Te loquitur. Stemmat-  
tica etiam *Flumina* confluunt amplâ titulorū  
copiâ. Jam vastissimæ eruditionis Oceanum,  
jâ omnigenæ Virtutis Archi-Mare, grato omni-  
um auribus murmure insusurrât. Ex Characte-  
re Sūmi Pontificis, non humili stylo exaratum  
legere potest elogium. Vicaria Dei in ter-  
ris Potestas, ut supra homines attollit, ita Nu-  
men quoddam Sapientiæ revelat toto orbe  
adorandum. Rex Sacrorum, inter eruditos  
Principes Primatē ponit. Si Sanctissimus Pa-  
pa *BENEDICTUS* Os Divinum est? ergo  
*Bonaventuram* asserit Cancellarium Regis Re-  
gum, Mentis Divinæ Interpretem, Patronum  
Causæ Primæ in omni foro, Oratorem pro  
Domo sua. Si Manus Domini est? indigitat  
Dextrum Fidei Brachium. Si Atlas Cæli My-  
stici est? Alcida vult esse Ejusdem Portito-  
rem. *Ursiniâna* quoq; in adversis Fortitudo,  
Columnam Religionis Orthodoxæ, Sedis A-  
postolicæ Fulcrum affirmat. Demum: San-  
ctitas, Amicum Dei; Eruditio, Doctorem  
Magnum; omnis Probitas Pontificia, Dea-  
rum Virtutum Pantheon manifestat. Jamnè ni-  
hil ultra restat in Pontificia Dignitate ad am-  
pliandos *Bonaventuræ* honores? jamnè exhau-  
stus Tyberis nullam dabit copiam deficienti  
Svadæ in sua fluiditate? jamnè in Sacro Vati-  
cani Principis Diademate nullæ inveniuntur  
gemmæ, ut appretient dignas omni æstimati-



Prophetia de  
moderno Pō-  
tifice: *Miles  
in bello.*

one Illius dotes? minimè. Habet adhuc vici-  
na Cœlo Potestas, quò possit elevare altius  
Maximum *Ordinis Minorum* Doctorem. Habent  
*Vrsini Fluvij* novos insuper fontes, à quibus  
derivet Orator larga Verborum flumina, in  
rem *Bonaventuræ*. Militabit Honori ejus &  
palmaris ille *BENEDICTI* Panegyricus,  
prophético declamatus ore: *Miles in Bello*,  
præliorum, nempe Domini Exercituum, Rex,  
Imperator. Ages proinde sub Maximo hoc  
Bellorum Dei Imperatore, *DUCEM MA-  
GNVM MILITANTIS ECCLESIAE in  
ORDINE MINORVM*. Ampliabis tenu-  
itatem virium exigui Oratoris *Magne Auditor*,  
ad extendendam *Bonaventuræ Magnitudinem*,  
quando bene armato ad benevolam attenti-  
onem animo, Honori *Magni Ducis* in hoc cam-  
po militabis.

Ut inglorium est, Magnatem agere, & Ma-  
gno carere Nomine, ita in humili statu jacen-  
tem ad summa eluctari, judico palmare esse.  
*Auditores Humanissimi*. Habent id enim ex  
natura sua Honorarii soles, quibus suã dispen-  
sant lucem, illis etiam titulos accendunt Illu-  
strissimos, Serenissimos. Scipiones, Clavæ,  
Sceptra, indices sunt magni vocabuli suorum  
Portitorum. Fasces dignitarij, Virgæ directio-  
nis dant stimulos ad altiora, excitant ad sub-  
limia. Ideo Summates aurea sumunt mala, ut  
gustum boni Nominis capiant. Quid deno-

tant



tant Coronarum Orbes Regum Capita ambientes? nisi Magnitudinem eorum, toto Orbe vix posse comprehendere. Potentissimos, Augustos Honor facit, non angustos. In tanta ergo titulorum Eminentia, abjectum; in ampla luminum maiestate, obscurum vivere; non præclarum est. Famosas licet Avorum Imagines, pulchras tamen; (pingente venustatem merito) turpè est, fœdâ Nepotum effigie deformari. Non ideo Patritium quisq; haurit sanguinem, ut erubescat; sed ut Purpuras exornet. Malè rectas Majorum ducit Lineas, qui eas trahit in obliquæ mensuram gloriæ. Quantum dedecus! inter Avitas Ceras illustrem non fieri, sed umbram agere; inter Nobilissimæ Domûs Atria, versari ignobilem; Optimæ Directionis Virgâ, malè vapulare. Ingens probum! ibi decrescere, ubi summa auges; in elevatione deprimi; nudum apparere in Toga; in Maximis non esse Magnum. E converso: quæ gloria! nihil, valere ad omnia; in vilipendio, æstimationem mereri; in minimis videre magna. Enim: projectis in terram, facilius est impetere, quàm alta meditari. Parcendum! si vivunt inglorij; nemo audet supra vires. Quæ suæ activitatis excedunt sphæram, nullus tenetur ea attentare. Et tamen, toties non sine admiratione spectator advertit Orbis, quòd scabrosæ ejusmodi conchæ, pulchram sibi pariant non unius gloriæ gemmam. Vi-



dit ad invidiam pumiliones istos, famam Gy-  
gantum superare. Vidit, fieri ex abjecto stipite  
Vocales Magni Nominis Mercurios, proceram  
autem Confangvinitatis Arborem, sæpe nul-  
lum utilitati suæ producere fructum, cum da-  
mno non semel sterilefcere. Quis quis itaq;  
in umbra positus, illustrior apparet, licet nō  
in campo gloriæ, lucratur tamen triumphale  
Nomen, magis in sublimiorem æstimationis  
publicæ ascendit gradum, quàm si ex alto  
summus evaderet. Majus & honori Tuo *Do-  
ctor Divinissime* addit pretium *Minorum Ordo*,  
quem gestorum Tuorum Magnitudine Ma-  
ximum effecisti. In illo namq; loco Magnū  
Tibi erexisti Nomen, in quo sola demissio,  
minima sui æstimatio regnat. Ubi fuga ho-  
norum, gloriæ, ibi invenisti famam optimam,  
dignitatem summam. Non obfuerunt Illi Re-  
ligiosæ Umbræ, quin Illustrissimus mundo ap-  
pareret. Ad divitem gloriam acquirendam,  
stricta paupertas non impedivit. Solitaria vi-  
ta non præcluserat viam, ne publicos teneret  
fasces. Hinc solenniori celebrandus titulo,  
dum ex milite, in *Ordine Minorum* evasit *Dux  
Magnus Ecclesiæ Militantis*. Ad hoc culmen  
quibus gradibus pervenit, vitæ indicabit ar-  
gumentum. Modo descendamus in campum  
*Ducis Nostri* natalem.

Patria *Bonaaventuræ* fuit *Balneoregium*. Ni-  
dus illorū scilicet Heroum, quibus pro suorum  
Re-



Regum Nomine labores bellicos subire, ad salutem Reipublicæ sudare, innatum erat. Regales *Balneoregiæ* aquæ effusum luci publicæ Infantem excipiunt; ut videant omnes in hoc undarum speculo, raram *Bonaaventuræ* indolem, nihil communi fonti debere. In Thermis nascitur, ut à primo vitæ momento assuescat sudori, non semel olim eliciendo inter labores officium *Magni Ducis* concernentes. In tali loco Cunas ponere natura ejus exigebat, quò à teneris statim imbiberet calorem spiritûs heroici, vitalem sui muneris. Prout cæpit jam hoc ardore ita incalescere, ut ipsum calidæ febris ignem, in sinum reciperet. Crederem ego, per natales Thermas debilem adhuc tennellæ ætatis constitutionem infirmari, nisi succensæ Orci flammâ arderent in Ejus cineres. Præsensit capitalis generis humani hostis, Virum olim BONAVENTURAM nullatenus suis cedendum Viribus, idcirco puerum aggreditur, quò facilius vincat. Sed sanctior hic Hercules, etiam in cunis stygium serpentes enecabit, lethale virus non sumet. Vide Orbis! & attonitam palpebram huic spectaculo tantisper detine. En *Magnus Dux* Noster! vix in arena mortalium stetit, illico pedem movet in hostem, cum factorum exercitu primam luctam habiturus. Adhuc Pusio nescit gressum sistere, & ad resistendum jam provocatur; necdum domesticam terræ plani-



tiem bene palpat manibus, & jam in aspero Martis Campo, urgetur dexterrimè congregi. Instauratur acies, trina adversæ partis legio expeditur in unicum BONAVENTVRAM. Ex una parte: videre licet fortiter armatas Fatorum copias, mille nocendi artibus, & bellico apparatu instructissimas; ex altera vero: Infantem sine viribus, sine armis, sine modo, sine spe vincendi constitutum. Incipit conflictus, pars robustior prævalet debiliori, belli alea cadit felici sorte hostibus BONAVENTVRÆ; huic autem fatali jactu, ubi in primo statim certamine, accipit grave vulnus in pectore. Triumphant ergo Fatorum Castra; inchoatam victoriam multis plausibus, jubilis, festivis acclamationibus continuò celebrant. Ex aduerso: *Fidantius* & *Ritelia* Parens, ejusmodi tripudiorum Solennitati, luctum, lachrymas, mærorem sacrificant. Lætis tubarum clangoribus, tristi respondent fletu, gemitibus, singultu. Concidunt animis, ruente Domûs suæ Columnâ. Planè emoritur Parentum vita, in agone Filij. Sed exhilarate aliquantùm afflictam frontem, mæsti Genitores. Nati vestri infirma salus, ex parte, non ex toto desperata. Sit licet æger, langvidus; adhuc poterit tales vires asumere, quibus frangat hostile robur, inimicam potentiam enervet. Non ideo jam victas hosti manus porriget, quia victas fascijs habet. Si prima Acies sinistrū  
de-



dedit eventum Ejus dexteritati? altera, secundum offeret. Sæpius infelix belli initium, fausto termino coronatur. Frequenter in Cupresso desinit, qui caput Lauros metere. Graviter quidem læsus, sed spes salutis necdum præcisa; curari potest. Moras ego videor in svadendo nectere; en jam alatus Parentum amor, in extremis laboranti Filio, velocius succurrit. Mittit Legationem votorum ad Dominum Exercituum, ad Militiam Cælestem; ut juvent suis armis, viribus, utroq; spoliatum subsidio, dilectum sibi Pignus. Et succedit ad mentem feliciter, redit ad vota Legatio. Veniunt Virtutes Supernæ cum Potestatibus, & infirmatum debili corpusculo robur, vires, potentiam, restituunt. Adsunt cum Auxiliaribus Copijs Divini Heròes: restaura aciem, collige vires, resume animum, adversam partem invola, pugna iterum *Bonaventura*. De certa victoria non esto dubius; habes modò illud robur, aggredieris hostem tali potentiâ, quæ semper vincit, nunquam victa. Sic armatus, vix contra adversas insurgere parat Copias, illico Fata fugiunt ex acie, palmam vitæ & victoriæ in manu *Bonaventuræ* relinquendo. Date plausus! excitate flammæ triumphales! erigite trophæa! primæ *Ducis Magni* victoriæ. Colligite simul *Auditores*, si puer in cunis triumphat; quid faciet? postquam Vir erit. Amplius

C

nul-



nullum jam timebit hostem, ubi Infans facta superavit. Peracto certamine, respirat tantisper *Dux Magnus* sub pacis Olea. Habeat suam quietem, post tantum laborem. Ut fatigatas praesenti opere vires, corroboret ad ulteriora bella infractè perficienda, eget otio; vacare debet aliquantum.

Absolutis Vocationibus domesticis, in arenam descendit literariam. Etiam hic Campus, *Magnum Ducem* salutavit BONAVENTURAM. Singuli Compalæstritæ, singulares erant æmuli; certabant cum Illo Universi, nemo vincebat; omnes enim capacitate, studio, elevatione ingenij superabat; utpote Dux illorum. In qualibet expeditione scholastica, palmares successus obviam habuit; Pallas, Apollo, Mercurius, eruditæ fronti suas laureas offerebant. Ex acie Minervæ, mundus sub sua evocat signa BONAVENTURAM. Ut fortiùs in suam partem pertrahat, offert Purpuras, Sceptra, Coronā, divitias. Talibus armis illum oppugnat, quibus etiam robustissimi Heròes expugnantur, succumbunt facilè. Sed Ille *Magnum Ducem* futurum se esse sciens *Militantis Ecclesiæ*, inglorium judicavit mundo militare. Nec potuit Miles Christi, adversus mundum continuò decertans, sequi hostem sui Imperatoris. Cui, Domus Dei inhabitanda erat, ad humana divertere Palatia recusat. Destinatus ad Sacros Fasces, à profanis Curulibus vult



vult esse alienus. Nec testudinis pede præ-  
liares Mundi Aquilas secutus, signo Domi-  
ni Exercituum adscribi petit, sub Alas Sera-  
phicæ Militiæ convolat. Lectissima FRAN-  
CISCI Legio, inter Divinos Tuos Heròes, ad-  
mitte etiam Virum Dei BONAVENTU-  
RAM. Crede mihi *Minorum Ordo*, maxi-  
ma Tibi inde assurget gloria, dum brevi ex  
Tuis Castris Ille prodibit *Dux Magnus Eccle-  
siæ Militantis*. Nec mora: Seraphica Religio,  
intenta semper in publicum fidei Orthodoxæ  
bonum, magnum hunc Ministrum Ecclesiæ, in  
gremio suo suscipit educandum. Nemo du-  
bitet; an ferventi animo sit bellaturus pro Deo?  
en, ut ejusmodi ardorem concipiat, Seraphicis  
Ignibus pectus suum admovet, Cor applicat.  
Bene agis BONAVENTURA! ubi per Mi-  
litares gradus, ad Magni Officium Ducis Te  
disponis, à Tyrocinio prius incipiendo. Si  
tamen Tyro vocari debet, qui veteranos  
etiam Commilitones suos, probitate, mode-  
stia, Sanctis moribus, vincebat, superabat.  
Spectare licet, quomodo se exercet ad Clavam  
Ducalem in militia Religiosa. Pietas, Eru-  
ditio, fortis animus, in continua apud Il-  
lum praxi; præcipuæ scilicet Virtutes Ducum,  
& ornamenta. Talem sanctitatem coluit, quam  
nullum peccatum profanavit. Imò candore  
Innocentiæ Ejus, nec labes primorum  
Parentum contaminare visa; probante id *Ale-*



*xandri* Professoris sui Oraculo: *Hic est verus*  
*Isrâélita, in quo non videtur Adam peccâsse.* Jacto  
pietatis fundamento, structuram erigit scien-  
tiarum. Ut decurrat fortunato passu gloriæ  
Olympia, Circulos adhibet Philosophicos.  
Quò facilius capiat modum feriendi hostes,  
allvescit argumentari in *Ferio*. Ex Porphyri-  
ana arbore, Lauros, frondes triumphales di-  
scit legere. A Spinis Logicis, ad fortia quæq̃  
stimulum accipit. Magistrum fortitus *Docto-*  
*rem Irrefragabilem*, inconcussa sapientiæ do-  
gmata, frangi nesciam mentem inquit. Arca-  
na Theologiæ ita scrutatur, ut in omni acie  
latentem hostem, insidias perspectas habe-  
at inimici. Quamlibet Divinæ Scientiæ quæ-  
stionem sic penetrat, velut Regulam, Leges, sta-  
tuta sui Muneris. In Sectione cujuslibet Tracta-  
tûs, acuebat ingenium contra sectas, scissiones;  
ut illas ad unionem componeret. Certamen  
quodvis, habuit palmare. Tandem & in The-  
ologica arena, stetit *Dux Magnus*; non sine lau-  
rea Doctorali.

Gratularer Tibi ejusmodi triumphum Inge-  
nij, *Doctor Divinissime*; nisi bella intonans *Gi-*  
*raldus* hostis, vocem, & vota præriperet.  
Expectat Te in sua acie, descende. Jam in  
totum Corpus militiæ Tuæ Religiosæ, impiam  
manum elevat ad opprimendum; hostilibus ar-  
mis ferit, vulnerat, proscindit. Quot quot  
virium, fortitudinis, heroici Spiritûs habere  
potes,



potes, armatus omni robore in hunc Campum  
progredere. Sed inglorium reputat BONA-  
VENTURA, contra unum hostem omnes vi-  
res exerere. Vnico telo singula illius arma, Ma-  
chinas, frangit, confundit. Humilis *Apologia*  
*Paupertatis*, superbam mentem deprimit, ele-  
vatum ingenium conculcat. Exultas *Ordo Se-  
raphice* obtentâ de Capitalissimo hoste tuo vi-  
ctoriâ, partam agnosce *Duce Bonaventurâ*.  
Doctorali suo Calamo, hunc proscripsit Ad-  
versarium. Ab Ejus acumine, lethale vulnus  
accepit. Sole hoc Ingeniorum, dies Tibi  
illuxit triumphalis; dies albo notanda calcu-  
lo, ab Ipsius Candore Innocentiæ. Occurrit  
Reduci ex hoc certamine cum triumpho, Uni-  
versum *Francisci* Agmen, & inter plausus,  
fascibus supremi Regiminis emeritum coronat  
Verticem. Salutate modò *Auditores* Genera-  
lem *Bonaventurâ*, brevi *Ducem Magnum Mi-  
litantis Ecclesiæ* adorabitis. Gradus iste, ad  
culmen Ducalis Officij, primû semper ascen-  
sum porrigit. Spectate, quomodo Genera-  
le regimen singulari administrat prudentiâ.  
Mandata Seraphici sui Ducis strictè obser-  
vat, exequitur heroicè. Nec tantum anti-  
qvas leges in primo vigore conservat, no-  
vas insuper condit; sed Genio, Zelo, Heroi-  
citati Fundatoris conformes. Loquor id ex  
mente Supremi Capitis membrorum Ecclesiæ  
SIXTI IV. ita de Illo sentientis. Moderan-



te BONAVENTURA totum Ordinem, ade-  
rat bona disciplina, bonus animus, bona con-  
scientia, exercitata virtus, in Viris Divino Ho-  
nori militantibus. Miles quilibet erat Sanctus,  
patiens, invictus, Ducis exemplo. Vitam enim  
inspirant Heroibus, Ducum Animæ. Robur  
etiam suæ militiæ auxit, limites dilatavit, mul-  
tas Provincias suo Ordini subegit. Vidit he-  
roam mentem in Generali BONAVENTU-  
RA *Militans Ecclesia*, proinde Illum ad sui de-  
fensionem invitat. Ad Pallium Eborense Ar-  
chi-Præsuleum evocat in Britanniam; sed for-  
tior licet Humerus, huic Oneri portando de-  
bilem se agnoscit; ut robustiorem premat La-  
certum, fortiter evincit. O magnam BONA-  
VENTURÆ Indolem! si modestia, humili-  
tas, canit victoriam; quos referent triumphos  
reliquæ Virtutes, aliæ Principes, Reginae aliæ.

Jam ergo post data toties heroicæ virtutis  
specimina, post collectas ex tot arenis laureas  
*Dux Magnus Militantis Ecclesiæ* proclamatur.  
Severioribus enim fatis sublato è vivis CLE-  
MENTE IV. Sūmo Pōtifice, ubi Corpus Rei-  
publicæ Christianæ, sine Capite; Navis Eccle-  
siæ, sine Typhi; Imperium Orthodoxæ fidei,  
sine suo Rege, Cæsare, diu persistit; Electo-  
ralis Campus *Ducem* salutat BONAVENTU-  
RAM. Tribus annis in hac acie Electores Vi-  
ri æmulo pugnabant voto, adversis decerta-  
bant rationibus; certaminis tamen nullus fi-  
nis



nis erat. Una fors cadebat in Vnum, alter fa-  
vebat alteri, alius elevabat alium, nullum pro-  
movebant Omnes; sed quisq; pro suo stabat  
fortiter, immotè. Unicus Ille, supras omnes  
tantam accipit potestatem, ut proprio Ipsius  
ore nominetur Papa, cui Doctor hic Romanā a-  
periret Cathedram, Is illam conscenderet. Plu-  
ra dicam: **BONAVENTURÆ** Autoritas am-  
plius adhuc suos extendebat limites. Vt alijs  
Candidatis, ita sibi etiam albo potuit favere  
calculo. Vix autem *Magnus Dux* Ille, in desti-  
natam sibi venit aciem, statim bella animorū  
composuit, divisos affectus univit, vota per plu-  
res dispersa, congregavit in unum. Aperuit  
mentem de eligendo *Vice-Comite Placentino?*  
& conclusum est. Nemini displicuit *Placenti-*  
*nus*, ubi uni **BONAVENTURÆ** placuit.  
Confirmant omnes Electionem ab Illo solo  
factam, Vota Ejus terno Diademate coronant  
in Capite NeoElecti, posthac **GREGORIJ**  
**X.** Nomine insigniti. Quale est Vestrum ju-  
diciū *Auditores* de præsenti activitate Illius?  
sopita hæc ab Eo prælia dissentientium inter se  
Patrum, sedati motus, ad mutuam societatem  
inclinatæ Partes sibi adversæ, pugnæ, scissi-  
ones, jurgia Fratrum pacata, nonne *Magnum*  
declarant *Ducem* verè *Militantis* eâ tempesta-  
te *Ecclesiæ*. Ille solus effecit tranquillitatem  
in turbido, unionem in Schismate, in Odijs a-  
morem, pacem in bello, Naviculæ Petri por-



tum in naufragio. Dein: si consurrexit Gens aliqua inimica contra Religionem Romanam? Ille primus Scutum, Clypeus, Defensor fuit. Omnes hostiles impetus, acutissimi Ingenij stylo gloriosè repressit semper. Quicumq; fidei Adversarius movit Arma, visus est illa vibrare in suum pectus, in sui necem; ubi cum *Duce* hoc est congressus. Quoties BONAVENTURÆ manus armata calamo, pro Vaticano pugnabat Principe, toties Dexteræ hæc Domini, palmas triumphales tenebat. En adhuc Cardinalitia Dignitas, fortiori sustinet argumento, *Ducem Magnum Bonaventuram* esse. Agnoscitis Summum Pontificem pro Imperatore Militantis Ecclesiæ? explicate etiam mentem Vestram, quid de Cardinalibus sentiatis. Ni fallor! *Magnos Duces* judicabitis. Ita est: *Duces* sunt expositi ad propugnandam fidem, ad propulsandos hostes Ecclesiæ. Irrumpit, quispiam sinister eventus? Illi primi occurrere debent cum succursu, in Casibus immoto pede resistere, suppetias ferre in necessitate, salvare in agone. Cardinalem agit BONAVENTURA? ergo simul & *Ducem*. Et ab Episcopatu *Albano*, audit (unus è sex) Papæ *Suffraganeus*, id est *Dux Regis Sanctissimi*. Pari honore, eodem titulo, Concilium quoq; Lugdunense Illum celebrat. *Ducem* se inibi *Magnum* exhibuit *Ecclesiæ Militantis*, quam simul reddidit *Triumphantem*, de convicta Græcorum,  
perti-



pertinacia. Capitales isti erant hostes, vel  
ideo; quòd Romanum Episcopum pro Ca-  
pite Supremo non agnoscerent. Beatissimum  
Patrem, filiali nolebant amore prosequi; San-  
ctissimo Domino, omnem subjectionem excu-  
tiebant; imò potius Servo Servorum Dei præ-  
tendebant semper imperare, dominari. Ve-  
rùm BONAVENTURÆ dexteritas, sinistram  
hanc fregit potentiam, rebelles compescuit,  
fastuosas cervices pedibus inclinavit Pontifi-  
cijs, avulsa à suo Capite mēbra, reunivit. Quem  
nuper habebant contemptui, illo die coacti  
sunt reverentiali cultu adorare. Oppressit ra-  
tionum pondere pertinaciam, in malo subsi-  
stentem fundamento. Sapientiæ illius prodig-  
io, amentia desijt insanire. Triumphavit  
ignorantiam, correxit errores Discipulorum  
Orientalium, in Schola Æternæ Veritatis falsa  
sentientium, Doctor Seraphicus. Ad quid  
jam ultra solidiora quærere argumenta, ad  
confirmandum BONAVENTURÆ *Magni*  
*Ducis* titulum? hæc unica laurea, quâ in cam-  
po isto Militantem coronavit Ecclesiam, stat  
pro omnibus. Verus *Dux*, quia principaliter  
hic pro fide pugnavit. Verè *Magnus*, ubi  
maximos etiam vicit Adversarios. Et cum jam  
nullus superesset hostis, qui pacem turbaret Ec-  
clesiæ, in domum æternitatis contulit se ad  
quietem. Quia benè Ducalem clavam gessit  
*in Militanti Ecclesia*, à *Triumphante* evocatus  
ad coronam. In ipso loco suæ victoriæ,

E

(Lu-



(Lugdunensi nempe arena,) vitam conclu-  
dit; ut notum sit Orbi, quod huic Illius Tri-  
umpho, nulla par laurea sit in terris, proinde  
in Cælo quærenda. Decebat *Ducem* Invi-  
cissimum ad ejusmodi Capitolium non aliter  
progredi, nisi per stratum laureis viam. In  
Campo sui prælij invictum expirans animum,  
monstravit se esse *Ducem* in vita, & ipsâ morte.

Vt quid ergo diceris *Minorum Ordo*, Sera-  
phice *Francisci Cætus*? si tam Magnos Viros  
Domi Tuæ habeas. Vel ex hoc Vnico *Ma-  
gno Duce*, Maxima Religio appellari potes.  
Si aliorum subtilium elevata ingenia Caput Tu-  
um non attollerent, ex solius **BONAVENTU-  
RÆ** erudito vertice appareres satis alta, sum-  
mè eminens alijs. Desponsaret Tibi Doctorali  
suo Annulo, famam in Orbe immortalem. Tri-  
umphares ubiq; ejus laureâ; pro meritis, inæsti-  
mabilis gloriæ præmia possideres. Verû, habes  
insuper mille alia decora, ad Tui Ornamentum.  
*Summi Pontifices*, primam faciunt Majestatem.  
Rota Eminentissimorum Tuorum *Cardinalium*,  
perennis gloriæ volvit sphæram. Arhi-Præsuleæ,  
Episcopales innumeræ Mitræ, Principe titulo  
Familiam Tuam exornant. Invicti pro Deo  
Bellatores, heroicam mentem, magnum ani-  
mum in Tuis Viris efferunt. Et sexcenti alij  
Magni Viri, majora dicunt de Vestro Nomine  
*Religiosi Patries*, quàm Ipsi de Vobis. Factis  
proinde magnis, par Nomen respondeat. Ego  
Magnitudinem Vestram, cum *Magno Duce*, mi-  
nimus adoro Orator. DIXI.



ti  
e,  
M  
o-  
m  
o  
es  
er  
ne  
a-  
ut


10  
c-

y.  
i.  
c.

卷之四

卷之四







22000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



